

Mangi-set na Limitasyon

Wala ray sankaron laki tan bii, tan aliwa met ya mauges itan. Pero nayaran mankaproblema no say sakey et agni ready ya mi-boyfriend o mi-girlfriend tan agto amta ya say ipapalikna to la manaya et walay panggusto to. Pian naiwasan moy ontan ya situasyon, antoy gawaen mo?

Kailangan moy mangi-set na limitasyon. Pian nagawaan itan, nengnengen irayan eksperiensya tan ebatan iray tepet.



TUAN EKSPERIENSYA

“Say amta to et anguman lay nonot ko”

Say kabataan ya si Jason et walay ka-close ton bii. “Nantongtongan mi ya sankaro kami labat,” so imbaga to. Pero lanang ya ite-text nen Jason tan naynay ton kaiba. “Aliwa man manaya,” so inamin to. “Say amta to et anguman lay nonot ko tan papaasaan ko.”

Anggano nantongtongan dan sankaro labat ira, akin et inisip na samay bii ya singa onkakaraw lay Jason?

Anto ran limitasyon so dapat ya in-set nen Jason pian mansiansia ran sankaro, ya agto nipaliknan singa walay panggusto to?



“No ‘in-like’ na sakey ya bii so amin ya picture kod social media, isipen ko ya walay panggusto tod siak.”
—Steven.

**TUAN
EKSPERIENSYA**

**“Imbaga ton
pinanggalawan
ko labat so
feelings to”**

Lanang ya katongtong nen Annette so sakey ya laki. “Asobraan mi,” so inamin to. “Parad siak, sankaro kami labat. Lanang kamin sankaba, pero anggapoy feelings kod sikato. Say amtak et anggapo met so feelings tod siak. Pero tinepetan to ak no labay kon magmaliw ya boyfriend. Nen imbagak ya kaaro labat so turing kod sikato, nampasnok. Imbaga ton pinanggalawan ko labat so feelings to tan nilokok.”

Parad sika, natural labat kasin isipen na samay laki ya walay feelings nen Annette ed sikato? Akin?



Anto ran limitasyon so dapat ya in-set nen Annette pian agla inmabot ed ontan so situasyon da?



“Wala ray mangibabaga ya, ‘No antoy payagan mo, atan so nagawa.’ Nayaran duma so nipaliknam ed sikato anggano agka man-flirt; no maminsan, anggano paulyanan mo labat ya karawen to ka.”—Karen.

**TUAN
EKSPERIENSYA**

**“Lanang kamin
sankaiba”**

Say amta nen Rachel, walay panggusto ed sikato na sakey a laki. “Amta na amin ya lanang kamin sankaba,” so imbaga to. “Aminsan et inakbayan to ak. Inisip ko ya walay feelings tod siak—pero nen tinepetan ko no antoy relasyon mi, imbaga ton kaaro labat so turing tod siak, anggad man labat!”

Wala kasi basiyan nen Rachel pian isipen ya aliwa labat ya kaaro so turing ed sikato na samay laki? Akin?



Anto ran limitasyon so dapat ya in-set na samay laki pian ag-isipen nen Rachel ya say labay to et aliwa labat iran sankaar?



“Nayarin balibali ed liknaan no walay mangipanengneng na interes ed sika, tan ompan paulyanan mod gagawaen to lapud labalabay mo itan ya naliliknam. Pero nibagan matured ka no say nonoten mo et say pankaabigan na arum aliwan say sarilim tan agmo sasakitan so liknaan da.”
—Brittany.